



蘭臺軌範卷六

吳江徐靈胎洄溪著

積聚癥痞

靈素

靈百病始生篇黃帝問於岐伯曰夫百病之始生也皆生於風雨寒暑清濕喜怒不節則傷臟風雨則傷上清濕則傷下三部之氣所傷異類願聞其會岐伯曰三部之氣各不同或起於陰或起於陽請言其方喜怒不節則傷臟臟傷則病起於陰也清濕襲虛則病起於下風雨襲虛則病起於上是謂三部至於其淫決不可勝數黃帝曰積之始生至其已成奈何岐伯曰積之始生得寒乃生四字乃成積之總訣厥乃成積也黃帝曰其成積奈何岐伯曰厥氣生足惋惋生脛寒脛寒則血氣凝滯血氣凝滯則寒氣上入於腸胃入於腸胃則腹脹腹脹則腸外之汁沫迫聚不得散日以成積卒然多飲食則腸滿起居不節用力過度則脈絡傷陽絡傷則血外溢血外溢則衄血陰絡傷則血內溢血內溢則後血衄為陽經之血宜涼後血為陰經之血宜溫腸胃之絡傷則血溢於腸外腸外有寒汁與沫血相搏則併合凝聚不得散而積成矣凡積未有不因血而成者卒然外中於寒若內傷於憂怒則氣上逆氣上逆則六輸不通溫氣不行凝血蘊裏而不散津液滯滲著而不去而積皆成矣六元正紀大論大積大聚不可犯也衰其大半而止過則死骨空論任脈為病男子內結七疝女子帶下瘕聚

息積 素奇病論帝曰病脇下滿氣逆二三歲不已是為何病岐伯曰病名曰息積此不妨於食不可灸

刺積為導引服藥藥不能獨治也積最宜外治

伏梁 靈邪氣臟腑病形篇心脈微緩為伏梁在心下上下行時唾血素腹中論帝曰人有身體髀股

斂皆腫環臍而痛是為何病岐伯曰病名伏梁此風根也其氣溢於大腸而著於胃胃之原在臍下故環臍而痛也不可動之動之為水溺澇之病

難經

病有積有聚何以別之然積者陰氣也聚者陽氣也故陰沉而伏陽浮而動氣之所積名曰積氣之所聚名曰聚故積者五臟所生聚者六腑所成也積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處故以是別知積聚也五臟之積各有名乎以何月何日得之然肝之積名曰肥氣在左脇下如覆杯有頭足心之積名曰伏梁起臍上大如臂上至心下脾之積名曰痞氣在胃脘腹大如盤肺之積名曰息賁在右脇下覆大如杯腎之積名曰貳便發於少腹上至心下若豚狀或上或下無時

金匱

師曰病有奔豚有吐膿有驚怖有火邪此四部病皆從驚發得之師曰奔豚病從少腹起上衝咽喉發作欲死復還止皆從驚恐得之夫瘦人繞臍痛必有風冷穀氣不行而反下之其氣必衝不衝心下則痞問曰病有積有聚有繫氣何謂也師曰積者臟病也終不移聚者腑病也發作有時展轉痛移為可治繫氣者脇下痛按之則愈復發為繫氣積聚皆有形繫氣則無形而有氣耳病者腹滿按之不痛為虛痛者為實可下之舌黃未下者下之黃自去腹滿時減復如故此為寒當與溫藥脈緊如轉索無常者有宿食也雖不可共牛肉作羹食之成瘕病非亦然醋合酪食之令人血瘕

病源

瘕瘕皆由寒溫不調飲食不化與臟氣相搏結所生也其病不動者直名為瘕若病雖有結瘕而可推

移者名為癥瘕瘕者假也謂虛假可動也

蠶癥 謂腹內有癥結如蠶之形狀有食蠶觸冷不消生癥者有食諸雜物得冷不消變化而作者

蟲癥 人有多蟲而性好嚙之所嚙既多腑臟虛弱不能消之變化生癥患者見蟲必嚙之不能禁止時從下部出亦能斃人

米癥 人有好啞米轉久彌嗜啞之若不得米則胸中清水出米不消化遂生癥結其人常思米不能飲食久則斃腹內有人聲 有人腹內忽有人聲或學人語而相答此乃不幸致生災變非關經絡腑冷熱虛實所為也服雷丸可愈

髮癥 有人因飲食內誤有頭髮隨食成癥胸喉間如有蟲上下來去者是也

蛟龍病 三月八日蛟龍子生在芹菜上人食芹菜入腹變成蛇龍其病之狀發則如癩

魚癥 有人胃氣虛弱者食生魚因為冷氣所搏不能消之結成魚癥揣之有形狀如魚也

蛇癥 人有食蛇不消因腹內生蛇瘕也亦有蛇之精液誤入飲食內食之其狀常若飢而食則不下候食至胸內即吐出其病在腹揣摸亦有蛇狀謂蛇瘕也

酒瘕 人有飲酒多而食穀少積久漸瘦遂常思酒不得則吐多睡不復能食是胃中有蟲使之然名為酒瘕也

腹內有毛 人因飲食內誤有毛隨食入腹則漸漸羸瘦但此病不說別有證狀常自言食毛因以知之

積聚癥瘕方

奔豚湯陰 奔豚氣上衝胸腹痛往來寒熱此主之

甘草

川芎

當歸兩 半夏四兩 黃芩二兩 生薑五兩 芍藥二兩 生薑四兩 甘李根白皮升

右九味以水二斗煮取五升溫服一升日三夜一服

茯苓桂枝甘草大棗湯發汗後臍下悸者欲作奔豚此湯主之

桂枝四兩茯苓半斤甘草二兩大棗十五右四味以甘爛水一斗先煮茯苓減二升納諸藥煮取

三升去滓溫服一升日三服

桂枝加桂湯發汗後燒針令其汗針處被寒核起而赤者必發奔豚小腹上至心灸其核上各一

壯與此湯此灸法不循穴道亦甚易即桂枝加桂二兩

備急丸治寒氣冷食稽留胃中心腹滿痛大便不通

大黃 乾薑二巴豆研如脂右先搗大黃乾薑為末納巴豆合搗千杵和蜜丸如豆大臧

密器中勿洩氣候用每服三四丸煖水或酒下又主中惡心腹脹滿卒痛如錐刺氣急口噤如卒死

者捧頭起灌令下咽須臾當差不差更與三丸當腹中鳴即吐利便差若口噤者須化從鼻孔用葶管

吹入自下於咽此溫下之法口噤不能服藥者亦是一法

食食食多不消心腹堅滿痛治之方千金

鹽一升水三升右二味煮令鹽消分三服當吐出食便差

蛟龍病方治春秋二時龍精帶入芹菜中人偶食之為病發時手背腹滿痛不可忍

硬糖二三日兩度服之吐出如蜥蜴三五枚差

療犬肉傷治食犬肉不消心下堅或腹脹口乾大渴心急發熱妄語如狂或洞下

杏仁一升合皮沸湯三升和汁分三服痢下肉片大驗

療食鱸傷治鱸食之在心胸間不化吐復不出速下除之久成癥病

橘皮一兩 大黃二兩 朴硝二兩 右三味以水一大升煮至小升頓服即消

療鱸癥金 治食鱸多不消結為癥病

馬鞭草搗汁飲之或以薑葉汁飲之一升亦消又可服藥吐之

療蟲癥金 由啗蟲在腹生長為蟲癥按此病發服水銀

故篋子一枚 故梳子一枚 右二味各破為兩分先取一分燒灰末之又取一分以水五升煮取一

升頓服前末盡少時病出無所忌

療十年痼癖方千金

桃仁去皮尖雙仁煮熬 豉乾泡去皮熬 蜀椒去目開口者生搗歸三升 乾薑搗歸三升 右四味先搗桃仁如膏合搗千杵如

乾可入少蜜和搗令可丸如酸棗大空腹酒服三丸日三仍熨法

椒熨方千金

取新盆一口受一斗者鑽底上作三十餘孔上布椒三合椒上布鹽鹽上安紙兩重上布冷灰一升

冷灰上安熱灰一升熱灰上安熱炭火如雞子大常令盆底安薄檀其口以板蓋上以手捉勿令落

仰卧安於腹上逐病上及痛處自捉遣移熨之冷氣及癥結皆從下部中作氣出七日一易椒鹽滿三

七日百病差乃止

破癖湯千金

白朮 枳實炙 柴胡略三 右以水五升煮取二升分三服日三

備急劇癥方千金

吳茱萸三升 以酒和煮熱布裏熨之

廣濟療瘰癧外

白馬尿一升五合溫服之令盡差

廣濟療米瘰癧外其疾常欲食米若不得米則胸中出清水

雞屎一升白米五合搗散用水一升頓服

療米瘰癧瘦至死外

葱白兩口醵烏梅枚三十右二味以水三升宿漬烏梅使得極濃清晨噉葱白隨飲烏梅汁盡頃之心

腹煩欲吐即令出之三晨瘳之當吐出米瘰差無所忌

廣濟療髮瘰癧外人因食誤食髮即胸間如有蟲上下惟欲飲油油一斤以香澤煎之大鐺鑊貯之安病

人頭邊以口鼻臨油上勿令得飲及傳之鼻面今有香氣當叫喚取飲不得與之必疲極眼睡其髮當

從口出飲油人專守視之并石灰一裏見瘰出以灰粉手捉瘰抽出須臾抽盡即是髮也

積塊丸 治瘰癧積聚癖塊蠱積

京三稜 莪朮醋炒自然銅蛇含石各燒研雄黃各二兩蜈蚣各一錢木香一錢鐵花粉用

一錢醋炒辰砂 沉香略八冰片五分蘆薈 天竺黃 阿魏 全蝎焙乾各右為末用

雄猪胆汁丸如桐子大每服七八分諸蟲皆效

治食索粉積方用紫蘇煎濃汁加杏仁泥服之即散

易簡紅丸 破瘰消癧

蓬朮 三稜 橘皮 青皮 胡椒 乾薑 阿魏 礬石 右水泛為丸每服

六十九薑湯下又小兒脾胃之症極有神效

大七氣湯 治一切癰瘰

三棱 莪朮煨 青皮 陳皮去白 木香 藿香 肉桂 益智仁 甘草各七錢五分

右咬咀每服五錢水二盞煎至一盞食前服

半硫圓九方局 除積冷溫脾胃一切疰癖大便秘閉

硫黃明淨好者研令極細用柳木鏈子研過 半夏湯洗七次焙乾為末 右等分以生薑自然汁同熬入乾蒸餅末攪和勻入臼

內杵數百下丸如桐子大每服空心溫酒或生薑湯下十五丸至二十九丸婦人醋湯下

髮癰飲油方夏子奇病方

雄黃半兩 右為末水調服之蟲自出

食髮成瘕方

猪脂二升酒三升 右以水煮三沸溫服日三

酒釐氣釐血釐方直指方 治平時嗜酒血入於酒為酒釐任氣血凝於氣為氣釐虛勞錮冷敗血雜痰為

血釐或附脇背或隱腸腹須急治之

生硫黃末以老酒調下時時服之此味人多畏之不敢輕服其實性甚和緩目觀有人服數斤全無所害惟肌膚色黃而已

蛇癰方千金翼 白馬尾切細酒服初服五分一匕次服三分一匕更服二分一匕不可頓服殺人

蛟龍病方

唐明皇雜錄云有黃門奉使交廣回太醫周顧曰此人腹中有蛟龍上驚問對曰臣馳馬大庾嶺熱困

且渴遂飲澗水竟腹中堅痞如石周遂以石硝雄黃煮服之立吐一物長數寸大如指視之鱗甲皆具

此疾遂愈

蛇瘕

危氏 治面光發熱如火灸蒜汁一盃飲之吐出如蛇即愈

腹內蛇瘕

方簡

誤食菜中蛇精成蛇瘕或食蛇肉成瘕腹中常飢食物即吐以赤足蜈蚣一條炙研末酒服

血瘕

方甄氏

驚甲

大黃

琥珀等分

右三味作散酒服二錢少時惡血即下若婦人小腸中血下盡即

休服也

虱瘕

喜食血

用極舊木梳煨灰服

婦人狐瘕方外因月水來或悲或驚或逢疾風暴雨被濕致成狐瘕精神恍惚令人月水不通胸脇腰背

痛引陰中小便難嗜食欲吐如有孕狀其瘕手足成形者殺人未成者可治

用新鼠一枚以新絮裹之黃泥固住入地坑中桑新燒其上日夜取出去絮入桂心末六銖為末酒

服方寸匕不過一二服當目下

瓜蒂散

金匱

大承氣湯

小承氣湯

調胃承氣湯

以上四方俱見傷寒保和丸丹溪

枳朮丸

潔古

皂礬平胃散

感應丸

見通治

阿魏撞氣丸

嘔吐蛇含石丸

即禹餘糧丸見臟腑

蟲

附狐惑

靈樞

上膈篇

蟲為下膈

其詳備載

蟲瘕

蛟虻厥病篇腸中有蟲瘕及蛟虻皆不可取以小針心腸痛懷作痛腫聚往來上下行動有休止

腹熱喜渴涎出者是蛟虻也以手聚按而堅持之無令得移以大針刺之久持之蟲不動乃出針也

金匱

蚘蟲之為病。令人吐涎。心痛。發作有時。毒藥不止。蚘厥者。當吐蚘。令病者靜而復時。煩此為臟寒。蚘上入膈。故煩。須臾復止。得食而嘔。又煩者。蚘聞食臭出。其人當自吐蚘。狐惑之為病。狀如傷寒。默默欲眠。目不得閉。卧起不安。蝕於喉為惑。蝕於陰為狐。不欲飲食。惡聞食臭。其面目乍赤乍黑乍白。此皆傷寒結濕熱生蟲

病源

九蟲者。一曰伏蟲。長四分。二曰蚘蟲。長一尺。三曰白蟲。長一寸。四曰肉蟲。狀如爛杏。五曰肺蟲。狀如蠶。六曰胃蟲。狀如蝦蟆。七曰弱蟲。狀如瓜瓣。八曰赤蟲。狀如生肉。九曰蟻蟲。至細微。形如菜蟲。伏蟲羣蟲之主也。蚘蟲貫心則殺人。白蟲相生。子孫轉大。長至四五尺。亦能殺人。肉蟲令人煩滿。肺蟲令人咳嗽。胃蟲令人嘔逆。吐喜噦。弱蟲又名膈蟲。令人多唾。赤蟲令人腸鳴。蟻蟲居腸。多則為痔。極則為癰。因人瘡處。以生諸癰疽。癰痿病疥。齕蟲無所不為。人亦不必盡有。有亦不必盡多。或偏無者。此諸蟲依腸胃之間。若腑臟氣實。則不為害。若虛則能侵蝕。隨其蟲之動而能變成諸患也。凡蟲毒有數種。皆是變感之氣。人有故造作之。多取蟲蛇之類。以器皿盛貯。任其自相噉擊。惟有一物獨在者。即為之蟲。便能變感。隨逐酒食。為人患禍。患禍於他。則蟲主吉利。所以不羈之徒。畜事之。
齒隱 是蟲食齒至斷。膿爛汁臭如屯之收。故謂之齒隱。

蟲方

甘草粉蜜湯 蚘蟲之為病。令人吐涎。心痛。發作有時。毒藥不止。此湯主之。

甘草 二兩 粉 一兩 蜜 四兩
右以水三升。煮甘草取二升。去滓。納粉蜜攪令相煎如薄粥。溫服一升。

瘥即止

烏梅丸 治病者靜而時煩因臟寒虵上入其膈為虵厥當吐虵

烏梅三百 黃連一斤 黃柏六兩 乾薑十兩 附子六枚 蜀椒四兩 桂枝六兩 細辛六兩

當歸四兩 右十味異搗篩合治之以苦酒漬烏梅一宿去核蒸之五升米下飯熟搗成泥和藥令

相得納臼中與蜜杵二千下丸如梧桐子大先食飲服十九日三服稍加至二十丸禁生冷滑物臭食

療虵蟲攻心腹痛針 用石榴根搗取汁平旦服亦可水煎

療蟲蝕下部針 胡粉 雄黃 右二味各等分為末著穀道中亦治小兒

療傷寒慮病針 取生雞子小頭叩出白入漆一合熟和攪令極調當沫出更納著殼中仰吞之食頃或

半日乃吐下蟲劇者再服蟲盡熱除病愈

追蟲丸治一切蟲積

黑牽牛取頭末 檳榔各八兩 雷丸醋炙 南木香各二兩 茵陳二兩 大皂角 苦楝皮各一 右煎濃汁

水為丸萊豆大大人每服四錢小兒三錢或二錢或一錢半量人虛實用砂糖水吞下待追去惡毒蟲

積二三次方以粥補之按濃煎汁水為丸原本如此

下蟲丸 追蟲取積

苦楝皮根皮為上樹面次 右為末麵糊丸彈子大如欲服藥宜戒午飯晡時預食油煎雞卵餅一

二個待上床時白滾湯化下一丸至五更取下異蟲為效

療寸白蟲

榧子 檳榔 蕪荑各等 右為末每二錢溫酒調服先喫燒牛肉脯後服食水瀉永除

又方 榧子四枚 以月上旬平旦空心服七枚日服盡蟲消成水永瘥又云食實七枚七日滿蟲化為

水

療濕匿蟲千金

此症多是熱病後或久下不止或有客熱結在腹中或遇暑濕涼氣者多生此病病亦

有燥慙不甚洩利而下部瘡癢不問燥濕久則殺人為病診齒無色舌上盡白甚者滿口有瘡四肢沉

重喜眠如此者為蟲下食其肛肛爛盡見五臟即死矣

黃連

生薑切各十兩

艾葉八兩 苦參四兩

右四味咬咀以水一升煮取三升為三服日三

療蛔蟲

病由勞熱傷心有蟲名蛔蟲長一尺貫心則死

雷丸熬

橘皮

桃仁各五

狼牙六分 貫眾三枚 蕪荑

青箱子

乾漆熬各四分

亂髮如雞子燒

殭蠶二十枚熬

右十味搗篩蜜丸以飲及酒空腹服二七丸日再服

療百蟲方外臺

石榴皮

東引者一握去瘡皮 欖柳七枚

右以水二升煎減半頓服欲服時先嚼鹿脯咽汁即進之每月一二

三日喫藥必瘥以蟲頭向上月三五以後不效以蟲頭向下也服藥前一日莫食其蟲喫藥之後或痢

或內消皆瘥忌食生膾白酒諸冷物一月餘

鶴虱散外臺

療蛔蟲心痛 鶴虱二分末 溫酢一盞 和服之蟲當出

胡粉丸外臺

療心痛不可忍似蛔蟲者

生胡麻一合

胡粉半合

右二味先以猪肉脯一斤空腹啖咽汁勿咽肉後取胡粉和胡麻搜作丸

以少清酒使成頓服盡十歲以上增減忌生冷猪血魚雞蒜醋等七日若是蛔蟲吐水者是也

甘草瀉心湯金

治狐惑之為病狀如傷寒默默欲眠目不閉卧起不安蝕於喉為惑蝕於陰為狐不欲

飲食惡聞食臭其面目乍赤乍黑乍白蝕於上部則聲啞此湯主之蝕於下部則咽乾苦參湯洗之蝕

於肝者雄黃薰之

甘草四兩黃芩

人參

乾薑各三兩

黃連一兩

大棗十二

半夏半升

右七味水一斗煮取六

升去滓再煎溫服一升日三服

苦參湯雄黃一味為末筒瓦二枚合之燒向肝薰之 苦參一升水一斗煎取七升去渣薰洗日三

雄黃雄黃一味為末筒瓦二枚合之燒向肝薰之

赤小豆當歸散病者脈數無熱微煩默默但欲卧汗出初得之三四日目赤如鳩眼七八日目四皆

黑若能食者膿已成也此湯主之

赤小豆三升浸冷芽出曝乾 當歸 右二味杵為散漿水服方寸匕日三服

療心痛欲死外臺 濃搗地黃汁和麵作冷淘不用鹽服一頓蟲即出

蕪荑散 治蟲咬心痛欲驗之大痛不可忍或吐青黃綠水涎沫或吐蟲發有休止

蕪荑 雷丸各半兩 乾漆碎研炒烟 右共為末每服三錢調和服

諸痛頭心胃腰腹

靈素

靈終始篇病痛者陰也痛而以手按之不得者陰也

素舉痛論視其五色黃赤為熱白為寒青黑為痛 調經論實者外堅充滿不可按之按之則痛虛者蟲

辟氣不足按之則氣足以溫之故快然而不痛 陰陽應象大論氣傷痛形氣腫故先痛而後腫者氣傷

形也先腫而後痛者形傷氣也 痺論痛者寒氣多也有寒故痛也

頭痛

靈素

靈經脈篇足太陽膀胱脈動則病衝頭痛目似脫項如拔脊痛腰似折髀不可以曲腦如結端如裂是為
蹠蹠督脈之別名曰長強挾脊上項散頭上下當肩胛左右別走太陽入貫脊實則脊強虛則頭重
足少陽膽脈是主骨所生病者頭痛領痛厥病篇真頭痛頭痛甚腦盡痛手足寒至節死不治
素奇病論帝曰人有病頭痛以數歲不已此安得之名為何病岐伯曰當有所犯大寒內至骨髓髓者以
腦為主腦逆故令頭痛齒亦痛病名曰厥逆

病源

風痰風厥頭痛

風痰相結上衝於頭即令頭痛數歲不已即連腦痛手足寒至節即死真頭風亦必有痰

千金

卒頭痛頭痛如破非中冷又非中風是胸膈中痰厥氣上衝名為厥頭痛吐之即差

頭痛方

頭痛方千金翼

葶藶子搗末以湯淋取汁洗頭良

又方千金翼

吳茱萸三升以水五升煮取三升以綿

拭髮根良

厥頭痛吐方外臺

治痰厥頭痛

但單煮茗作飲二三升許須臾適吐吐畢又飲能如是數過劇者須吐膽汁乃止不損人

石膏散寶鑑

川芎

石膏

白芷略等

右為末每服四錢熱茶清調下此治風火頭痛之方

透頂散本事方

治偏正頭風夾腦風并一切頭風不問遠年近日

細辛三莖

瓜蒂七分

丁香三粒糯米七粒腦子

麝香各一黑

右將腦麝研細將前四味另研

細然後合研令勻封好患人在左右搖一大豆許良久出涎一升許即安

痛風餅子聖惠

五倍子

全蠍

土狗各八分

右為末醋九作如錢大餅子發時再用醋潤透頂太陽穴上灸

熱貼之仍用帕子縛之吸濃茶睡覺自愈

止痛太陽丹奇效

天南星

川芎等分

右為末同蓮鬚葱白搗爛作餅貼太陽痛處

氣攻頭痛方奇效

草麻子

乳香等分

右搗爛作餅貼太陽穴上如痛止急去頂上解開頭髮出氣即去藥

治頭痛方奇效

用大蒜一顆去皮研取汁令病人仰臥以銅筋點少許滴鼻中急令搖入腦眼中淚出差

玉液湯生濟治眉棱骨痛

半夏六錢泡湯七次切片作一服加生薑十片水煎去渣納沉香末少許服

麝犀湯生濟治頭風旋眼黑昏眩倦怠痰涎壅塞骨節疼痛

羚羊角屑

旋覆花

紫苑

石膏

甘草炙各一兩

細辛半兩

前胡七錢

犀角屑二錢半

右藥每服三錢加生薑三片大棗一枚水煎服

祕方貼頭風熱病

大黃

朴硝等分

右為末用井底泥捏作餅貼兩太陽穴頭風皆屬寒此獨為熱不可不備

清震湯命治頭面疙瘡憎寒拘急發熱狀如傷寒

即雷頭風

升麻

蒼朮各四錢荷葉全者一個

水煎食後服楊梅毒入頭亦有此病當用治毒之方治之

治頭內如蟲蛀響此名天白蟻

用茶子末吹鼻中此奇病不可不知

玉真圓

本事

治腎氣不足氣逆上行頭痛不可忍謂之腎厥其脈舉之則弦按之則石堅

硫黃二兩

石膏煨通赤研半夏紫湯洗各一兩硝石五分

右為細末研勻生薑汁糊丸如梧子大陰乾每服二

十丸或薑湯或米飲下更灸關元穴百壯

茶調散

治諸風上攻頭目昏重偏正頭痛鼻塞身重及婦人血風攻症太陽穴疼

白芷

甘草

羌活各二兩荆芥去梗川芎各四錢

細辛去蘆防風半兩薄荷葉不現

右為細末

每服二錢食後茶清調下常服清頭目

頭風摩散

方見風門頭風有偏正之殊其病皆在少陽陽明之絡以毫針刺痛處數穴立效其外有瘡毒入頭名楊梅頭痛此乃外科之症另有治法

心胃痛

靈樞

厥病篇厥心痛與背相控善瘕如從後觸其心偃倭者腎心痛也厥心痛痛如以錐鍼刺其心心痛甚者脾心痛也厥心痛色蒼蒼如死狀終日不得太息肺心痛也厥心痛卧若徒居心痛間動作痛益甚色不變肺心痛也真心痛手足清至節心痛甚旦發夕死夕發旦死

千金

胸痺令人心口堅痞急痛肌中苦痺絞痛如刺不能俯仰胸前皮皆痛手不得犯短氣咳唾引痛咽塞瘻燥時欲嘔吐煩悶自汗出或引背痛不治數日死

外臺

九種心痛 一蟲 二注 三氣 四悸 五食 六飲 七冷 八熱 九去來痛

惡注心痛 中惡心痛 心腹絞刺 奄奄欲絕 近人患心胃痛者甚多十人之中必有二三皆係痰飲留於心下久成飲囊發作輕重殊數雖各不同而病因一轍
治法以滌飲降氣為主凡病竟有時代之不同如近三十年中咳嗽吐血者十人而五余少時此病絕少亦不可解也

心胃痛方

桔萸薤白白酒湯 胸痹之病喘息咳唾胃脘痛短氣寸口脈沉而遲關上小緊數此湯主之

桔萸搗一枚薤白半斤白酒七升 右三味同煮取三升分溫再服

桔萸薤半夏湯 胸痹不得臥心痛徹背者此湯主之即前方加半夏半斤

枳實薤桂枝湯 胸痹心中痞氣氣結在胸胸滿脇下逆搶心此湯主之人參湯亦主之

枳實四枚厚朴四兩薤白半斤桂枝一兩桔萸搗一枚 右五味以水五升先煮枳實厚朴取二升去

渣納諸藥煮數沸分溫三服

人參湯 金匱中湯

茯苓杏仁甘草湯 胸痹胸中氣塞短氣此湯主之橘枳薑湯亦主之

茯苓三兩杏仁五十枚甘草一兩 右三味以水一斗煮取五升溫服一升日三不差更服

橘皮枳實生薑湯

橘皮一升枳實三兩生薑半斤 右三味以水五升煮取二升分溫再服

薤白仁附子散 胸痹緩急者此主之

薤白仁耐五大附子耐五 右二味杵為散服方寸匕日三服